

南江札記

南江札記卷三

餘姚邵晉涵

孟子

梁惠王 古今人表魏惠王第六等

叟 說文云叟老也或作叟史記集解魏世家引劉熙
注云叟長老之稱依皓首之言方言云東齊魯衛之
間凡尊老謂之叟

亦有仁義而已矣 易繫辭曰立人之道曰仁與義周
禮小宰疏引孟子作對曰何必曰利王則曰何以利
吾國則國危矣荀子大略篇上好富則民死利矣民
語曰欲富乎忍恥矣傾絕矣絕故舊矣與義分背矣

上好富則人民之行如此安得不亂

王在靈囿 呂氏春秋重己篇高誘註云畜禽獸所大

曰苑小曰囿 說文云囿苑有垣也一曰禽獸曰囿

白鳥鶴鶴 說文云鶩鳥白肥澤兒詩曰白鳥鶩鶩

於物魚躍 說文云物物滿也

時日害喪 韓詩外傳卷二桀云吾有天下猶天之有

日云

兵刃旣接 說文云刃刀堅也

魚鼈不可勝食也 王制云禽獸魚鼈不中殺不粥於

市 鄭注殺之非時不中用月令季冬始漁周禮春獻

鼃蜃

雞豚狗彘之畜 說文云豚小豕也彘豕也後蹠廢謂之彘方言云豬關東西或謂之彘其子或謂之豚斧斤以時入山林 周書文傳解山林非時不升斤斧以成草木之長川澤非時不入網罟以成魚鼃之長大聚解云旦聞禹之禁春三月山林不登斧斤以成草木之長夏三月川澤不入網罟以成魚鼃之長勿奪其時 荀子大略篇不富無以養民情不教無以理民性故家五畝宅百畝田務其業而勿奪其時所以富之也立大學設庠序脩六禮明十教所以道之

也禮運云用民必順故無水旱昆蟲之災民無凶饑
妖孽之疾鄭註不奪農時言大順之時陰陽和也
頒白者不負戴於道路矣 王制云班白不提挈鄭註
雜色曰班淮南泰族訓云辨白不戴負高誘註辨白
頭有白髮

爲其象人而用之也 春官冢人云及葬言鸞車象人
鄭司農云象人謂以芻爲人後鄭云孔子謂爲芻靈
者善謂爲俑者不仁非作象人者不殆於用生乎淮
南繆稱訓魯以偶人葬而孔子歎高誘註偶人相人
也歎其象人而用之檀弓云孔子謂爲芻靈者善謂

爲備者不仁不殆於用人乎哉

晉國 三家分晉魏得晉之故都故魏人自稱晉國
寡人恥之 史記魏世家梁惠王曰寡人不佞兵三折
於外太子虜上將死國以空虛以羞先君宗廟社稷
寡人甚醜之

壯者以暇日 說文云暇閑也

以撻秦楚之堅甲利兵矣 鄭註春官小胥云撻猶扶
也又註夏官司甲云甲今之鎧也

望之不似人君 呂覽樂成篇注引孟子作望之而不
似人君

齊宣王問曰齊桓晉文之事 古今人表齊宣王辟疆

威王子弟六等齊桓公小白第五等晉文公第四等

保民而王 說文云保養也

將以毀鐘 說文云釁血祭也

王若隱其無罪 文選座右銘注引劉熙註云隱度也

是以君子遠庖廚也 大戴禮記保傅篇云于禽獸見

其生不食其死聞其聲不嘗其肉故遠庖廚所以長

恩且明有仁也

是折枝之類也 後漢書註引劉熙注云折枝若今之

按摩也

張皓傳論

陸善經注云折草樹枝

見音義上

周書武順

解云左右手各握五左右足各履五曰四枝

便嬖 說文云便嬖愛也

商賈 鄭註冢宰云行曰商處曰賈

然後驅而之善 韓詩外傳 卷五 夫百姓內不乏食外

不患寒則可教御以禮義矣鄭註冢宰云所以毆之內之於善

郊關 說文云距國百里爲郊杜子春周禮注云五十里爲近郊百里爲遠郊

囿 靈臺毛傳云囿所以域養禽獸也天子百里諸侯四十里

昆夷 漢書匈奴傳周西伯昌伐畎夷氏顏師古注畎夷卽畎戎也又云昆夷字或作混又作緄昆緄畎聲相近耳亦曰犬戎自隴以西有之

獯鬻 史記周本紀作熏育

句踐 古今人表越句踐允常子第四等

以遏徂莒 毛詩作徂旅毛傳以徂爲往旅爲衆鄭箋以徂爲國名蓋本於魯詩以阮徂共爲三國也趙注以徂莒爲伐莒與毛鄭異韓非子難二篇昔者文王侵孟克莒舉鄆是文王有克莒之事趙注所本也呂覽用民篇密須之民自縛其主而與文王高誘注詩

云密人不共敢距大邦此之謂也

雪宮

文選注引劉熙注云雪宮離宮之名也

雪賦元

和郡縣圖志齊雪宮故址在青州臨淄縣縣卽齊故都東北六里晏子春秋所謂齊侯見晏子於雪宮

晏子

古今人表晏平仲第二等

省斂

說文云斂收也

一豫

文選注秋行曰豫東京賦廣秋豫以收成

賄賄

說文云賄視兒

畜君者

呂覽適威篇引周書曰民善之則畜也高誘

注畜好也

文王之治岐也 王制云古者公田藉而不稅市廛而
不稅關譏而不征林麓川澤以時入而不禁鄭註古
者謂殷時案市之所譏如王制所云有圭璧金璋不
粥於市命服命車不粥於市戎器不粥於市用器不
中度不粥於市兵車不中度不粥於市布帛精麤不
中數幅廣狹不中量不粥於市姦色亂正色不粥於
市錦文珠玉成器不粥於市衣服飲食不粥於市五
穀不時果實未孰不粥於市木不中伐不粥於市禽
獸魚鼈不中殺不粥於市

耕者九一

韓詩外傳

卷三

王者之等賦正事田野什

一關市譏而不征山林澤梁以時入而不禁

關 王制云關執禁以譏禁異服識異言鄭註關竟上
門譏呵察

老而無妻曰鰥老而無夫曰寡老而無子曰獨幼而無
父曰孤 王制云少而無父者謂之孤老而無子者
謂之獨老而無妻者謂之矜老而無夫者謂之寡此
四者天民之窮而無告者也皆有常餼孔疏云孝經
云男子六十無妻曰鰥婦人五十無夫曰寡舜年三
十而尚書謂之鰥者以其父頑母嚚無爲娶之端故
雖三十而亦稱鰥詩云何草不黃何人不矜據久役

在外嫁娶失時亦謂之爲矜矜與鰥同其男子無妻
亦謂之寡左傳云崔杼生成及彊而寡按劉熙釋名
云無妻曰鰥愁悵不能寐目恒鰥鰥然其字從魚魚
目恒不閉無夫曰寡寡偶也偶然單獨也無父曰孤
孤顧也顧望無所瞻見也無子曰獨獨鹿也鹿鹿無
所依也

公劉 古今人表公劉第二等史記周本紀云行者有
資居者有畜積民賴其慶百姓懷之

太王 古今人表太王亶父姜女第二等

姜女 史記周本紀云太姜生季歷正義引列女傳云

太姜太王娶以爲妃生太伯仲雍王季太姜有色而貞順率導諸子至於成童靡有過失太王謀事必於太姜遷徙必與

有託其妻子 說文云託寄也方言云託寄也凡寄爲託

湯放桀武王伐紂 古今人表發是爲桀第八等辛是爲紂第九等革彖傳云湯武革命順乎天而應乎人革之時大矣哉干寶曰革天地成四時誅二叔除民害天下定武功成故大矣哉也九四云悔亡有孚改命吉象曰改命之吉信志也干寶曰爻入上象以喻

紂之郊也以逆取而四海順之動凶器而前歌後舞
故曰悔亡也中流而白魚入舟天命信矣故曰有孚
孚子夜陳雨甚至水德賓服之祥也故曰改命之吉
信志也

一夫紂 荀子議兵篇引泰誓曰獨夫紂

彫琢 說文云瑯治玉也琢治玉也

武王是也 革卦彖詞已曰乃孚革而信之干寶曰天
命已至之日也乃孚大信著也武王陳兵孟津之上
諸侯不期而會者八百國皆曰紂可伐矣武王曰爾
未知天命未可也還歸二年紂殺比干囚箕子爾乃

伐之所謂已日乃孚革而信也六二云已日乃革之
征吉无咎是則革之初二武王以之

文王是也 革初九云輶用黃牛之革干寶曰在革之
初而無應據未可以動故曰輶用黃牛之革此喻文
王雖有聖德天下歸周三分有二而服事殷其義也
霓 說文云霓屈虹青赤或白色陰氣也

闕 說文云闕闕也孟子曰鄒與魯闕劉熙注闕構也
構兵以闕也 音義上

邠 說文云邠周太王國在右扶風美陽又云美陽亭
卽豳也民俗以夜市有豳山

岐山 說文云郊周文王所封在右扶風美陽中水鄉
从邑支聲郊或从山支聲因山以名之也升六四云
王用享于岐山吉无咎象曰王用享于岐山順事也
崔憬注云此象太王爲狄所逼徙居岐山之下一年
成邑二年成都三年五倍其初通而王矣故曰王用
享于岐山以其用通避於狄難順於時事故吉无咎
從之者如歸市 呂覽審爲篇太王亶父居邠狄人攻
之事以皮帛而不受事以珠玉而不肯狄人之所求
者地也太王亶父曰與人之兄居而殺其弟與人之
父處而殺其子吾不忍爲也皆勉處矣爲吾臣與狄

人臣奚以異且吾聞之不以所以養害所養杖策而
去民相連而從之遂成國於岐山之下

魯平公 古今人表魯平公景公子第七等

樂正子 古今人表樂正子第四等文選注引劉熙注

云樂正姓也子通稱也名尅

褚淵碑

嬖人有臧倉者 抱朴子外篇

卷二

名實篇

二十

夫賢

常少而愚常多多則比周而匿瑕少則孤弱而無援
佞人相汲引而柴正路賢哲處下位而不見知拔茅
之義犯而負乘之羣興亢龍高墜泣血漣如故子西
逐大聖之仲尼臧倉毀命世之孟軻

公孫丑 古今人表公孫丑居第三等

當路 文選注引綦母邃註云當路當仕路也

詠懷詩

子路 古今人表子路第三等

管仲 古今人表管仲第二等

曾西 檀弓云穆公之母卒使人問於曾子鄭註曾子

曾參之子名申

由反手也 爾雅釋言云猷若也猷與由通

武丁 古今人表武丁第二等

微子微仲王子比干箕子膠鬲 古今人表微子箕子

比干第二等膠鬲微中第四等又以宋微中微子爲第

五等是以微仲與宋微仲爲二人也高誘主術訓註
比干紂諸父也箕子紂之庶兄馬融易註云箕子紂
之諸父集解井九三云井涑不食爲我心惻干寶曰
此託殷之公侯時有賢者獨守成湯之法度而不見
任謂微箕之倫也故曰井涑不食爲我心惻

民不改聚矣 方言云萃集也東齊曰聚

置郵 說文云郵境上行書舍从邑垂垂邊也字書曰
馬遞曰置步遞曰郵顏師古漢書註曰傳若今之駟
古者以車謂之傳車其後單置馬謂之駟騎呂覽上
德篇孔子曰通乎德之情則孟門太行不爲險矣故

曰德之速疾乎以郵傳命

功必倍之 呂覽慎勢篇天下之民窮矣苦矣民之窮

苦彌甚王者之彌易凡王者窮苦之救也

孟賁 呂氏春秋必已篇云孟賁過於河先其五船人
怒而以楫撻其面顧不知其孟賁也中河孟賁瞋目
而視船人髮植目裂鬢指舟中之人盡揚播入於河
曾子子夏 古今人表曾子子夏第三等

配義與道 陸善經注言以道義配之則能充塞無是

餽也 音義

擥 方言云擥拔也東齊海岱之間曰擥郭注云今呼

拔草心爲握

芒芒 方言云茫遽也吳揚曰茫

子貢 古今人表子貢第三等

冉牛閔子顏淵子夏子游子張 古今人表顏淵閔子

騫冉伯牛第二等子夏子游子張第三等

則具體而微 文選注引劉熙注云體者四支股脚也

具體者皆微者也皆具聖人之體微小耳體以喻德

也

運命論古詩十九首

周書武順解云左右手各握五左右足

各履五曰四枝

姑舍是 文選注引應劭曰舍置也

幽通賦

乃所願 方言云願欲思也

有得百里之地而君之皆能以朝諸侯有天下行一不義殺一不辜而得天下皆不爲也 此孟子所以加齊之卿相得行道焉而不動心也

宰我有若 古今人表宰我第三等有若第三等

湯以七十里文王以百里 淮南泰族訓湯處亳七十里文王處鄆百里皆令行禁止於天下

迨天之未陰雨 爾雅釋言云迨及也方言云東齊曰迨 迨

徹彼桑土 方言云杜根也東齊曰杜郭注云詩曰徹

彼桑扈是也詩釋文云韓詩作杜

尊賢使能 周官太宰以八統詔王馭萬民三曰興賢
四曰使能鄭註賢有善行也能多才藝者疏引鄉大
夫云興賢者出使長之興能者入使治之是賢有六
德六行者能者直六藝而已

俊傑在位 淮南泰族訓智過萬人者謂之英千人者
謂之俊百人者謂之豪十人者謂之傑又云德足以
教化行足以隱義仁足以得衆明足以照下者人之
俊也守職而不廢處義而不比見難不苟免見利不
苟得者人之傑也

廛 說文云廛一畝半一家之居

氓 地官遂人以下劑致氓鄭註云變民言氓異外內也淮南修務訓以寬民氓高誘註野民曰氓

仰之若父母矣 周書大聚解云稱賢使能官有材而士歸之關市平商賈歸之分地薄斂農民歸之

伯夷 古今人表伯夷叔齊第二等

浼 說文云浼汙也

袒裼裸程 袒說文作但裼也羸但也或作裸程但也裼但也

爾焉能浼我哉 說文引孟子曰汝安能浼我方言云

浼澇也東齊海岱之間或曰浼案澇與汙同

隘與不恭 文選註引蔡母遽注云隘謂疾惡太甚無

所容不恭謂禽獸畜人是不敬

詠懷詩

趙注孤竹君之長子 案論語釋文云伯夷姓墨名允

字公信孤竹君之子伯長也夷謚一本名也叔齊名
智字公達伯夷之弟齊亦謚也夷齊名見春秋少陽
篇

固國不以山谿之險 鄭註夏官掌固云固國所依阻
者也國曰固野曰險又註大司馬云固險可依以固
者也案掌固云若有山川則因之鄭註山川若穀臯

河漢

趙注君其使鶴戰 呂氏春秋忠廉篇翟人攻衛其民
曰君之所予位祿者鶴也所貴富者宮人也君使宮
人與鶴戰余焉能戰

醫來 說文云醫治病工也

曾子曰 韓詩外傳 卷二 曾子褐衣縕緒未嘗完也糲
米之食未嘗飽也義不合則辭上卿

爵一齒一德一 太宰鄭註引孟子曰天下之達尊者
三曰爵也德也齒也賈疏云三者天下通達行之爵
卽賢者爲大夫能者爲士皆是用德爲爵又云齒也

者謂若黨正飲酒之禮六十已上在堂上以齒

學焉而後臣之 呂氏春秋當染篇高誘註引孟子曰王者師臣也淮南覽冥訓高註亦引孟子曰王者師

地醜德齊 方言云醜同也東齊曰醜

趙注孟子之從昆弟 周頌維天之命毛傳引孟仲子曰大哉天命之無極而美周之禮也魯頌閟宮毛傳引孟仲子曰是禘宮也孔疏引詩譜云孟仲子者子思弟子蓋與孟軻共事子思後學於孟軻著書論詩毛氏取以爲說

贖

文選注引倉頡篇云費財貨也

赭白馬賦

案顏延年譙

曲水詩注引孟子作費

餘裕

方言云裕道也東齊曰裕

佼

方言云佼快也東齊海岱之間曰佼

爲天吏

說文云吏治人者也

管叔

古今人表管叔鮮第九等周書克殷解云立王

子武庚命管叔相太姪解云維十有三祀王在管管

叔自作殷之監東隅之侯咸受賜於王王乃旅之以

上東隅

如日月之食

淮南泰族訓君子之過也猶日月之蝕

何害於明

龍斷 陸善經注云龍斷謂岡壘斷而高者 音義

晝 劉熙注云晝齊西南近邑音獲 史記注八十二

魯繆公子思泄柳申詳 古今人表魯繆公元公子第

四等子思第二等泄柳申詳第三等檀弓云子張病

召申祥而語之鄭註申祥子張子太史公傳日子張

姓顓孫今日申祥周秦之聲二者相近未聞孰是

高子 古今人表高子第四等

其間必有名世者 文選注引孟子曰千年一聖五百

年一賢聖賢未出其中有命世者

荅蘇武書

吾得見王 荀子大略篇孟子三見宣王不言事門人
曰曷爲三遇齊王而不言事孟子曰我先攻其邪心
滕文公 古今人表滕文公第三等
趙注改考公爲定公 檀弓云邾婁考公之喪鄭註考
或爲定

成颺 案颺當作颺說文云颺很視也从覞肩聲齊景
公之勇臣有成颺者

公明儀 檀弓云子張之喪公明儀爲志焉孔疏云子
張之喪公明儀是其弟子亦如公西赤爲章職焉公
明儀又爲曾子弟子故祭義云公明儀問於曾子曰

夫子可以爲孝乎是也

絕長補短 天官醫師疏引孟子云今滕國絕長補短將五十里可以爲善國乎

若藥不瞑眩厥疾不瘳 醫師鄭註引孟子曰若藥不

瞑眩厥疾不瘳注引此文無若字醫師疏引趙註云

逸書也藥使人瞑眩悶亂乃得瘳愈猶人敦德惠乃

治也說文七

下

部云宥冥合也讀若局書若藥不

瞑眩方言云凡飲藥傳藥而毒東齊海岱之間謂之

瞑或謂之眩郭注云瞑眩亦今通語耳方言又云南

病愈者謂之差或謂之瘳韋昭國語注云以藥喻忠

言也瞑眩頓脅攻已急也瘳愈也

諸侯之禮 檀弓云穆公之母卒使人問於曾子曰如
之何對曰申也聞諸申之父曰哭泣之哀齊斬之情
饋粥之食自天子達孔疏云厚曰饋希曰粥朝夕食
米一溢孝子以此爲食故曰食也

聽於冢宰 檀弓云子張問曰書云高宗三年不言言
乃謹有諸仲尼曰胡爲其不然也古者天子崩王世
子聽於冢宰三年

哭泣之哀 檀弓孔疏云有聲之哭無聲之泣竝爲哀
弔者大悅 爾雅釋詁云悅服也

夏后氏五十而貢殷人七十而助周人百畝而徹王
制云古者公田藉而不稅鄭注引孟子曰夏后氏五
十而貢殷人七十而助周人百畝而徹孔疏云劉氏
及皇氏皆云夏時民多家得五十畝而貢五畝殷時
民稍稀家得七十畝而助七畝周時其民至稀家得
百畝而徹十畝故云其實皆什一熊氏一說以爲夏
政寬簡一夫之地惟稅五十畝殷政稍急一夫之地
稅七十畝周政極煩一夫之地稅皆通稅所稅之中
皆十而稅一故云其實皆什一又鄭注匠人云貢者
自治其所受田貢其稅穀助者借民之力以治公田

又使收斂焉夏則有貢無助殷則有助無貢鄭註匠人又云以載師職及司馬法論之周制畿內用夏之貢法稅去無公田以詩春秋論語孟子論之周制邦國用殷之助法惟公田不稅夫此三代所以別也

殷人七十而助

說文云商人七十而勸勸借稅也

周人百畝而徹

劉熙注云家耕百畝徹取十畝以爲

賦也

孝經疏三

雨我公田

夏小正云正月初服于公田古有公田焉

者古者先服公田而後服其田也呂氏春秋

卷十務

本篇引詩雨我公田遂及我私高注云古者井田十

一而稅公田在中私田在外民有禮讓之心故願先公而及私也

野 說文云野郊外也

五十畝 說文云六尺爲步步百爲畹畹或作畝

出入相友 太宰以九兩繫邦國之民八曰友以任得

民鄭康成注云友謂同井相合耦耨作者孟子曰鄉田同井出入相友守望相助疾病相扶持則百姓親睦賈疏云引孟子鄉田同井者以證友是同井之友但鄉遂爲溝洫不爲井田而云鄉田同井者鄉遂雖不爲井田亦三三相任以出稅與井田同故云同井

或解同井水義亦通也

有爲神農之言者 淮南脩務訓世俗之人多尊古而賤今故爲道者必託之於神農黃帝而後能入說亂世闇生高遠其所從來因而貴之爲學者蔽於論而尊其所聞相與危坐而稱之正領而誦之此見是非之分不明又齊俗訓引神農之法曰丈夫丁壯而不耕天下有受其饑者婦人當年而不織天下有受其寒者故身自耕妻親織以爲天下先

摑 方言云摑就也說文云摑縈束也

趙注猶叩搥也

丁氏音釋云搥擊也

音義

以金飴爨 說文云鬴屬或作金飴鬴屬爨齊謂之

炊爨

淪濟潔 說文云沛沅也東入于海濕水出東郡東武

陽入海

決汝漢 說文云汝水出宏農盧氏還歸山東入淮漢

漾也東爲滄浪水

排淮泗 說文云淮水出南陽平氏桐柏大復山東南

入海泗受沛水東入淮

樹藝五穀 說文云藝種也从耒夙持而種之詩曰我

藝黍稷淮南修務訓播種五穀高誘注菽麥黍稷稻

也

逸居而無教 說文云教上所施下所效也

舜以不得禹臯陶 大戴禮記王言篇昔者舜左禹而

右臯陶不下席而天下治

大哉堯之爲君 韓詩外傳云夫闢土殖穀者后稷也

決江疏河者禹也聽獄折中者臯陶也然而聖后者

堯也

秋陽以暴之 文選注引棊母遂註云周之秋於夏爲

盛陽也

安陸王碑

棊

詩釋文引劉熙註云棊盛土籠也

縣之篇

丁氏音釋

云藁土籠也埋土舉也

音義

直尋 方言云尋長也海岱大野之間曰尋自關而西
秦晉梁益之間凡物長謂之尋周官之法度廣爲尋
志士不忘在溝壑 韓詩外傳 卷二 巫馬期曰吾嘗聞

之夫子勇士不忘喪其元志士仁人不忘在溝壑

趙簡子王良 古今人表趙簡子第七等王良第五等
呂氏春秋審分覽云王良之所以使馬者約審之以
控其轡而四馬莫敢不盡力高誘注王良晉大夫郵
無正郵良也以善御之功死託精於星天文王良策
駟是也案郵無恤字伯樂一字子良

詭遇

文選注引劉熙注云橫而射之曰詭遇

東都賦
西京賦

陸善經注詭計以要禽也

音義

趙注王良善御者也

淮南覽冥訓云昔者王良造父

之御也上車攝轡馬爲整齊而斂諸投足調均勞逸
若一心怡氣和體便輕畢安勞樂進馳騫若滅左右
若鞭周旋若環世皆以爲巧高誘注王良晉大夫郵
無恤子良也所謂御良也一名孫無政爲趙簡子御
死而託精於天駟星天文有王良星是也

景春

文選注引劉熙注云景春孟子時人爲縱橫之

術者

七發

公孫衍張儀 淮南秦族訓云張儀蘇秦之從橫皆掇
取之權一切之術也古今人表犀首第五等張儀第
六等

三月無君 玉藻云無君者不貳采鄭注大夫去位宜
服亦端元裳孔疏此謂大夫士去國三月之內服素
衣素裳三月之後別服此元端元裳

媒妁 丁氏音釋云謂媒氏酌二姓之可否故謂之媒
妁也 音義

入則孝出則悌 淮南秦族訓云孔子弟子七十養徒
三千人皆入孝出悌言爲文章行爲儀表教之所成

也

葛伯

古今人表葛伯第八等

犧牲

說文云犧宗廟之牲也牲牛完全

餉

說文云餉饗也周人謂餉曰饗

筐厥玄黃

說文云匪器似竹篋从匚非聲逸周書曰

實元黃于匪

救民於水火之中

井九三象云求王明受福也干寶

曰周德來被故曰王明王得其民民得其王故曰求

王明受福也

趙注古尚書百二十篇

案百二十篇見鄭氏書論引

緯詳見萬章篇

戴不勝 荀子解蔽篇云唐鞅蔽於欲權而遂載子楊
倞注云載讀爲戴戴不勝使薛居州傳王者見孟子
莊嶽 炳燭齋隨筆云左氏襄二十八年公慶氏之
木百車于莊昭十年傳又敗諸莊襄六年傳戰于莊
卽此莊也襄二十八年傳反陳于嶽卽此嶽也皆齊
街里之名

薛居州 古今人表薛居州第四等

段干木 古今人表段干木第三等呂氏春秋尊師篇
云段干木晉國之大駟也學於子夏

習肩

文選注引劉熙注云脅肩竦體也

解嘲

夏畦

說文云田五十畝曰畦文選注引劉熙注云今

俗以二十五畝爲小畦

顏延年詩謝靈運詩

又云今俗以五十

畝爲大畦

懷縣詩又見史記索隱二十八文小異

赧赧

方言云赧愧也秦晉之間凡愧而見上謂之赧

說文云赧面慙赤也郭氏方言註引小爾雅云面赤

愧曰赧

今茲

呂氏春秋任地篇云今茲美禾來茲美麥高誘

註茲年也

巢窟

說文云樹上曰巢又云窟物在穴中兒

菹 文選注引綦母邃注云澤生草言菹菹與沮同都
賦

沛澤 公羊僖四年傳大陷于沛澤之中何休註草棘
曰沛漸洳曰澤後漢書注引劉熙注云沛水草相半

崔駰
傳

飛廉 古今人表飛廉第九等

滅國者五十 公羊僖四年傳古者周公東征則西國
怨西征則東國怨何休註此道黜陟之時也詩云周
公東征四國是皇

天子之事也 李厚菴云孟子所謂天子之事猶云天

子之史也列國皆有史以記一國之事而夫子乃尊周故爲天子之史

知我罪我

史記集解

四十

引劉熙曰知者行堯舜之

道者也罪者在王公之位見貶絕者

墨翟

古今人表墨翟第四等

禹抑洪水

史記河渠書云禹抑鴻水索隱云抑遏也

漢書溝洫志作堙堙抑皆塞也

陳仲子

古今人表於陵子中第六等

目無見也

文選注引劉熙注云陳仲子齊一介士也

螻蛄也李實有蟲食之過半言仲子目無見也

張景陽雜

詩

彼身織屨妻辟纁 文選注引劉熙注云仲子自織屨

妻紡纁以易食也緝續其麻曰辟練絲曰纁也 張景陽雜

詩 方言云纁謂之緝郭注謂纁縷也

駝 說文云駝駝駝也

已頻顙曰 文選注引孟子曰頻蹙而言頻蹙謂人頻

眉蹙顙憂貌也 弔魏武文

離婁 後漢書註引慎子曰離朱之明察毫末於百步

之外後漢書陳元傳云離朱不爲巧眩移目注云離

朱黃帝時明目者也一號離婁淮南原道訓離朱之

明察箴末於百步之外高註離朱者黃帝臣明目人也修務訓高註離朱黃帝時人明目能見百步之外秋豪之末

趙注黃帝亡其玄珠 淮南人間訓黃帝忘其元珠使離朱捷剗索之

公輸 淮南本經訓公輸王爾無所錯其剗剗削鋸高註公輸巧者一曰魯班之號也淮南修務訓無規矩雖奚仲不能以定方圓無準繩雖魯般不能以定曲直古今人表公輸第五等

師曠 古今人表師曠第五等淮南原道訓師曠之聰

合八風之調高注師曠晉平公樂師子野也八風八卦之風聲也

爲高必因丘陵 禮器云爲高必因丘陵爲下必因川澤

工不信度 說文云度法制也淮南泰族訓聖人一以仁義爲之準繩

泄泄 說文云咄多言也詩曰無然咄咄又云詆多言也詩曰無然詆詆

是由惡醉而強酒 說文云醉卒也卒其度量不至於亂也一曰潰也

家之本在身

呂覽執一篇爲國之本在於爲身身爲

而家爲家爲而國爲國爲而天下爲故曰以身爲家
以家爲國以國爲天下此四者異位同本故聖人之
事廣之則極宇宙窮日月約之則無出乎身者也

其麗不億

說文云麗數也

本方言

滄浪之水

說文云滄浪水也南入江

得其心有道

韓詩外傳云

卷三

已惡饑寒焉則知天

下之欲衣食也已惡勞苦焉則知天下之欲安佚也
已惡衰乏焉則知天下之欲富足也知此三者聖王
之所以不降席而匡天下故君子之道忠恕而已矣

叢 說文云叢聚也

獺 說文云獺如小狗也水居食魚又云獺獺屬或作獺

趙注獺獺也 文選注引郭璞三蒼解詁云獺似狐青

色居水中食魚

獸獺

伯夷辟紂 史記周本紀云伯夷叔齊在孤竹聞西伯善養老盍往歸之

太公辟紂 井初六云井泥不食干寶曰井而爲泥則不可食此託紂之穢政不可以養民也呂氏春秋首時篇太公望東夷之士也

眸子 說文云眸子童子不正也徐鉉云眸子童子也
說文直作牟秋官小司寇云目聽鄭註云觀其眸子
視不直則眊然曾子立事篇云目者心之浮也言者
行之指也作于中則播于外也

廋 方言云廋隱也郭注謂隱匿也

趙注瞳子 釋名云瞳子瞳重也膚幕相褻重也子小
稱也主謂其精明者也或曰眸子眸子冒也相褻冒也
淳于髡 古今人表淳于髡第五等

人不足與適也政不足與間也 方言云間非也格正
也又云謫過也南楚以南凡相非議人謂之謫

有不虞之譽有求全之毀 說文云譽稱也敝毀也

趙注於禮有不孝者三事 韓詩外傳 卷一 云察其身

而約其親者不可與語孝又云家貧親老者不擇官而仕

負夏 史記舜本紀云就時於負夏集解引鄭元曰負

夏衛地索隱云就時猶逐時若言乘時射利也尚書

大傳云販於頓邱就時負夏鄭注檀弓云負夏衛地

鳴條 夏本紀云桀走鳴條集解引鄭元曰南夷地名

畢郢 史記集解引馬融云畢文王墓地名也 周本呂

覽具備篇云武王嘗窮於畢程矣高誘註云畢程畢

豐逸周書大匡解云惟周王宅程案古文程與郢通如史記高祖功臣表吳程漢表作吳郢括地志云周文王墓在雍州萬年縣西南二十八里畢原上得志行乎中國韓詩外傳作然得志行乎中國若合符節孔子曰先聖後聖其揆一也

子產 古今人表鄭子產第二等

杠 張氏音釋云杠方橋也

音義

草芥 方言云芥草也自關而西或曰草或曰芥

禮爲舊君有服何如斯可爲服矣 檀弓云穆公問于子思曰爲舊君反服古與子思曰古之君子進人以

禮退人以禮故有舊君反服之禮也孔疏云案喪服
齊衰三月章爲舊君凡有三條其一云爲舊君君之
母妻傳云仕焉而已者也註云謂老若有廢疾而致
仕者兼服其母妻其二大夫在外其妻長子爲舊國
君註云在外待放已去者傳云妻言與民同也長子
言未去也註云妻雖從夫而出古者大夫不外娶婦
人歸宗往來猶民也長子去可以無服此則大夫身
不爲服惟妻與長子爲舊君耳其三爲舊君註云大
夫待放未去者傳曰大夫去君掃其宗廟言其以道
去君而猶未絕也註云以道去君爲三諫不從待放

於郊未絕者言爵祿尚有列於朝出入有詔於國若已絕則不服也以此言之凡舊君若年老致仕退歸在國不仕者身爲之服齊衰三月并各服其母妻也若三諫不從待放已去而絕者惟妻與長子服之已則無服若待放未去爵位未絕身及妻子皆爲之服然則去仕他國已絕之後不服舊君而雜記云違諸侯之大夫不反服則違諸侯之諸侯反服得爲舊君服者雜記所云謂不便其居或辟仇難有故不得在國者故孟子齊宣王問孟子云禮爲舊君有服何如斯可爲服矣孟子對曰諫行言聽膏澤下於民有故

而去則君使人導之出疆送至彼國明其無罪其所
往三年不反然後收其田里此之謂三有禮焉如此
者得爲舊君反服矣與雜記同

有故而去 通典引蔡母遂曰有故謂有他故不得不

行或避怨仇者也

卷九十
九禮典

趙注鳶鵲蒙害 漢書梅福傳福上書曰夫戴鵲遭害
則仁鳥增逝顏師古注曰戴鵲也仁鳥鸞鳳也

源泉混混 說文云原水泉本也泉水原也混豐流也

禹惡旨酒 呂覽弗躬篇狄儀作酒淮南修務訓儀狄
作酒說文云酒就也所以就人性之善惡一曰造也

吉凶所造也古者儀狄作酒醪禹嘗之而美遂疏儀狄淮南秦族訓云儀狄爲酒禹飲而甘之遂疏儀狄而遏旨酒所以遏流湎之行也

晉之乘楚之檇杙 丁氏云晉名春秋爲乘者取其善惡無不載楚謂春秋爲檇杙者在記惡而興善也義音其文則史 說文云史記事者也韓詩外傳 卷一 楚史

授筆而書之於策

逢蒙學射於羿 古今人表羿第九等逢門子第八等呂覽具備篇高誘注云羿夏之諸侯有窮之君也善射百發百中逢蒙羿弟子也亦能百中

庾公之斯尹公之他 古今人表尹公佗庾公差公孫

丁俱六等

西子蒙不潔 淮南修務訓云毛嬙西施天下之美人
若使之銜腐鼠蒙蠅皮衣豹裘帶死蛇則布衣韋帶
之人過者莫不左右睥睨而掩鼻高誘註云西施古
之好女文選注引慎子曰毛嬙先施天下之佼也衣
之以皮俱則見之者皆走易之以元褐則行者皆止

四子講
德論

禹之行水也 淮南原道訓云禹之決瀆也因水以爲
師高註禹因以水性自下決使東流以爲後世師法

也

匡章 高誘呂覽不屈篇註云匡章孟子弟子也

良人 文選注引劉熙註云婦人稱夫曰良人

秋胡詩

中庭 鄭註檀弓云中庭寢中庭也

萬章 古今人表萬章第四等

長息公明高 古今人表公明高第四等長息第四等

愬 說文云愬忽也引孟子曰孝子之心不若是愬呼

介切

九男二女百官 呂氏春秋去私篇堯有子十人不與

其子而授舜高注云孟子曰堯使九男二女事舜此

曰十子殆丹朱爲嗣子不在數中史記索隱引皇甫謐云堯娶散宜氏之女曰女皇生丹朱又有庶子九人皆不肖也淮南泰族訓四岳舉舜而薦之堯堯乃妻以二女以觀其內任以百官以觀其外旣入大麓烈風雷雨而不迷乃屬以九子高誘注堯有九男古今人表娥皇舜妃女嬃舜妃俱二等

多就之者 呂覽 十四 慎入篇舜耕於歷山陶於河濱釣於雷澤天下說之秀士從之

趙注尚書凡百二十篇 尚書序正義引鄭氏書論依尚書緯云孔子求書得黃帝元孫帝魁之書迄於秦

穆公凡三千二百四十篇斷遠取近定可爲世法者
百二十篇趙氏所云百二十篇與鄭氏同

父母使舜完廩捐階瞽瞍焚廩使浚井出從而揜之

史記索隱云孟子取尚書文史記集解引劉熙曰舜
以權謀自免亦大聖有神之助也古今人表鼓姿
象俱第八等

忸怩 方言云忸怩慙𨾏也楚郢江湘之間謂之忸怩
晉語君忸怩顏注忸怩慙貌

汝其于予治 史記索隱云蓋欲令象共我理臣庶也
共工驩兜三苗鯀 古今人表共工驩兜三苗鯀俱第

九等

殺三苗

說文云

七下
部

竅塞也讀若虞書曰竅三苗之

竅張守節據吳起言昔三苗氏左洞庭右彭蠡今江
州鄂州岳州三苗之地也通典則以潭州岳州衡州
皆古三苗之地

幽州

括地志云故蓟城在檀州燕樂縣界故老傳云

舜流共工幽州居此城閭若璩云卽今密雲縣

崇山

通典云澧州澧陽郡理澧陽縣本漢零陽縣地

有崇山卽放驩兜之所

三危

隋書地理志云敦煌郡敦煌縣有三危山括地

志云山在河州敦煌縣東南三十里

羽山 漢書地理志云在東海郡祝其縣閭若璩云今

贛榆縣西北八十里

故源源而來 說文云源徐語也孟子曰故源源而來

語云 呂覽舉難篇云人傷堯以不慈之名舜以卑父
之號禹以貪位之意

岌岌乎 文選注引司馬彪漢書注云岌岌危也應劭

曰欲毀壞之意

風諫詩

子遺 方言云子盡餘也周鄭之間曰盡或曰子青徐
楚之間曰子

夔夔 案夔夔猶躬躬也史記魯世家躬躬如畏狀徐

廣曰躬躬謹敬貌一本作夔夔

諄諄 說文云諄告曉之孰也

南河之南 史記集解引劉熙曰南河九河之最在南

者文選注引南河之南河南卽河陰也

張子閣若璩房詩

云禹都安邑在今夏縣西北十五里與堯舜所都皆

在河北大河之南則豫州也

之中國踐天子位焉 史記集解引劉熙曰天子之位

不可曠年於是遂反格於文祖而當帝位帝王所都

爲中故曰中國

十有七年 夏本紀云帝舜薦禹於天爲嗣十七年集
解引劉熙曰若此則舜格於文祖三年之後攝禹使
得祭祀與

陽城 史記集解引劉熙曰今潁川陽城縣是也案漢
潁川有陽城縣以山得名張守節正義云陽城縣在
嵩山南二十三里閼若璵云山在今登封縣北三十
八里

箕山之陰 史記夏本紀益讓帝禹之子啟而辟居箕
山之陽集解云案孟子陽字作陰劉熙曰密高之北
正義云箕山一名許由山在洛州陽城南十三里

丹朱之不肖 史記堯本紀云堯知子丹朱之不肖不足授天下索隱引鄭元曰肖似也不似言不如人也太平御覽地部引書逸篇云堯子丹朱不肖舜使居丹淵爲諸侯漢書律歷志引帝系曰陶唐氏讓天下於虞使子朱處於丹淵爲諸侯丹淵見范汪荊州記及括地志

禹啟益 古今人表禹第一等啟伯益第二等朱商均俱第八等

伊尹湯太丁外丙仲壬太甲 古今人表太丁伊尹太甲第二等太甲太丁子又云外丙太丁弟中壬太丁

弟第四等湯第一等

莘 元和郡縣志故莘城在汴州陳留縣東北三十五里古莘國地

顏籛由 古今人表顏籛由第五等彌子瑕雍渠第九等雍渠黎且子

桓司馬 古今人表宋桓魋第七等

司城貞子 古今人表陳司城貞子第五等

何以爲孔子 夫虬螭不可以緝致麟虞不可以機誘二語用抱朴而反之況大聖而可以利動乎

百里奚 古今人表百里奚第三等秦繆公第四等井

伯第六等虞公第八等宮之奇第三等案左傳僖五年傳云及其大夫井伯百里奚張守節正義曰南雍州記云及其大夫井伯百里奚字井伯宛人也梁劉峻世說新語注楚國先賢傳曰百里奚字井伯

垂棘之璧屈產之乘 呂覽權勳篇註垂棘美璧所出之地因以爲名也屈產之乘屈邑所生四馬曰乘今河東北屈駿馬者是也通典慈州文城郡理吉昌縣春秋時晉之屈邑左傳晉有屈產之乘此有駿馬

續漢志

注同

宮之奇諫 淮南泰族訓晉獻公欲伐虞宮之奇存焉
爲之寢不安席食不甘味而不敢加兵焉賂以寶玉
駿馬宮之奇諫而不聽言而不用越疆而去荀息伐
之兵不血刃抱寶牽馬而去

伯夷 韓詩外傳作伯夷叔齊

頑夫廉 後漢書王暢傳聞伯夷之風者貪夫廉懦夫
有立志錢詹事云貪與廉相反當從貪爲是案丁鴻
傳亦作貪

由由然不忍去也 韓詩外傳 卷三 作愉愉然不去也

爾焉能挽我哉 韓詩外傳作彼安能挽我哉

薄夫敦 韓詩外傳作薄夫厚

接淅而行 說文引孟子曰夫子去齊澆淅而行澆浚
乾漬米也淅汰米也

聖之時者也 韓詩外傳作孔子聖人之中者也

周室班爵祿也 方言云班列也

上農夫食九人 呂覽上農篇上田夫食九人下田夫

食五人春官內史云王制祿則贊爲之以方出之鄭
司農云以方出之以方版書而出之上農夫食九人
其次食八人其次食七人其次食六人下農夫食五
人庶人在官者其祿以是爲差諸侯之下士視上農

夫祿足以代其耕也中士倍下士上士倍中士下大夫倍上士卿四大夫祿君十卿祿

敢問友 說文云同志爲友从二又相交友也

孟獻子百乘之家也有友五人焉樂正裘牧仲 晉語

云魯孟獻子有鬪臣五人韋昭注云鬪臣扞難之士古今人表孟獻子樂正求牧中俱第四等

費惠公 古今人表費惠公第四等

顏般王順 古今人表顏般作顏敢王順作王慎第四等

晉平公亥唐

古今人表晉平公第七等亥唐第六等

抱朴子外篇

卷一

欽士篇

第十

晉文接亥唐却痺而

坐不敢正

迭爲賓主

尚書大傳云尚考太室之義唐爲虞賓鄭

註云尚考猶言往時也太室明堂之中央室也義當

作儀禮儀也謂祭太室之禮堯爲舜賓也

王元長三月三日曲

水詩

注

凡民罔不讖

說文云慙怨也周書曰凡民罔不慙

於季桓子見可之仕也於衛靈公際可之仕也於衛孝

公公養之仕也

古今人表衛出公輒第八等季桓

子第九等衛靈公第九等

衛孝公 公羊以石曼姑圍戚爲伯討史記李斯列傳

趙高語

衛君殺其父而衛國載其德孔子著之不爲不

孝此蓋當時黨於出公者爲此言歿而稱爲孝公也會計當而已矣 說文云計會也算也

繆公之於子思也 鄭註檀弓云穆公魯哀公之曾孫

孔疏云案世本傳記哀公蔣生悼公寧寧生元公嘉嘉生穆公不衍是曾孫也

反覆之而不聽則去 下曲禮云爲人臣之禮不顯諫

、三諫而不聽則逃之鄭註逃去也君臣有義則合無義則離春秋莊二十四年曹驪出奔陳公羊傳云三

諫不從遂去之何休註云孔子曰所謂大臣者以道事君不可則止此之謂也諫必三者取月生三日而成魄臣道就也不從得去者仕爲行道道不行義不可以素餐所以申賢者之志孤惡君也諫有五一日諷諫孔子曰家不藏甲邑無百雉之城季氏自墮之是也二曰順諫曹羈是也三曰直諫子家駒是也四曰爭諫子反請歸是也五曰贛諫百里子蹇叔子是也

栝栳 張云栝栳屈木爲之也丁云方言曰海岱之間

謂盥爲栳

音義

湍水

說文云湍疾瀨也瀨水流河上也許氏註淮南

子曰湍水行疾也淮南地形訓高誘注云湍急流悍水也

人無有不善

呂氏春秋盡數篇高註引孟子曰人性

無不善

搏而躍之

張云搏以手擊水

音義

其性亦猶是也

韓詩外傳

卷五

繭之性爲絲弗得女

工燔以沸湯抽其統理不成爲絲卵之性爲雛不得
良雞覆伏孚育積日累久則不爲雛夫人性善非得
明王聖主扶攜內之以道則不成君子

白羽之白也 文選注引劉熙注云孟子以爲白羽之

性輕白雪之性消白玉之性堅雖俱白其性不同問

告子告子以爲三白之性同

祭屈原文

故好是懿德 韓詩外傳 卷六 子曰不知命無以爲君

子言天之所生皆有仁義禮智順善之心不知天之

所以命生則無仁義禮智順善之心無仁義禮智順

善之心謂之小人故曰不知命無以爲君子小雅曰

天保定爾亦孔之固言天之所以仁義禮智保定人

之甚固也大雅曰天生蒸民有物有則民之秉彝好

是懿德言民之秉德以則天也不知所以則天又焉

得爲君子乎

多賴

說文云賴贏也呂氏春秋離俗覽云則必不之

賴高誘注云賴利也一曰善也

薺麥

說文云麥芒穀秋種厚薺故謂之麥麥金也金

王而生火王而死又云薺來薺麥也

藎之

丁云藎壅苗根也

音義

屨

方言云屨屨也自關而西謂之屨

蕢

說文云蕢艸器也

姣

方言云自關而東河濟之間凡好謂之姣

牛山

舊注云南山曰牛山見續漢志注韓詩外傳

齊景公遊於牛山之上而北望齊

奕說文云奕圍碁也方言云圍碁謂之奕自關而東齊魯之間皆謂之奕

仁人心也義人路也

韓詩外傳

卷四

孟子曰仁人心

也義人路也舍其路弗由放其心而弗求人有雞犬放則知求之有放心而不知求其於心爲不若求雞犬哉不知類之甚矣故學問之道無他焉求其放心而已

拱把之桐梓淮南繆稱訓交拱之木無把之枝高注拱把握也尚書大傳云七日大拱鄭註兩手盭之

曰拱

心之官則思 周書武順解云人道尚中耳目役心
令聞廣譽施於身 荀子大略篇德至者色澤洽行盡
而聲聞遠

不揣其本而齊其末 說文云木下曰本木上曰末方
言云度高爲揣

岑樓 方言云岑高也

紵 方言云紵屨也郭注相乖屨也

搜 文選注引劉熙注云搜牽也 琴賦

文王十尺 史記周本紀正義引帝王世紀云文王龍

顏虎眉身長十尺有四乳雒青靈聽云蒼帝姬昌日
角鳥鼻高長八尺二寸聖智慈理也

烏獲 呂氏春秋重已篇使烏獲疾引牛尾尾絕牛動
而牛不可行逆也高誘註烏獲秦武王力士也能舉
千鈞

徐行後長者 王制云父之齒隨行兄之齒雁行

高叟之爲詩也 丁云爲猶解說也

音義

礮 說文云大石激水也

趙注尚或瑾之 丁云瑾路旁冢也

音義

趙注伯奇仁人而父虐之 說苑曰王國君前母之伯

奇後母子伯封兄弟相愛後母欲其子爲太子言王
曰伯奇好妾王上臺視之後母取蜂除其毒而置衣
領之中往過伯奇奇往視袖中殺蜂王見讓伯奇伯
奇出使者就袖中有死蜂使者白王王見蜂追之已
自投河中韓詩外傳卷七傳曰伯奇孝而棄於親隱
公慈而殺於弟叔武賢而殺於兄比干忠而誅於君
詩曰予慎無辜

伊尹也 鬼谷子忤合篇伊尹五就湯五就桀然後合
於湯淮南泰族訓伊尹憂天下之不治調和五味負
鼎俎而行五就桀五就湯將欲以濁爲清以危爲寧

也

公儀子 古今人表公儀休第三等

不用賢則亡 韓詩外傳 卷七 無常安之國無宜治之

民得賢者昌失賢者亡自古及今未有不然者也淮南泰族訓云善言歸於可行善行歸乎仁義又云此異行而歸於善者

謳 說文云謳齊歌也

華周杞梁之妻 古今人表齊杞梁殖妻華州第四等顏師古曰卽華周也

荒蕪 說文云荒蕪也一曰艸掩地也蕪歲也

培克 方言云培深也郭注培克深能大雅云曾是培

克釋文云聚斂也丁云培深也

音義

攬 爾雅釋詁云攬聚也

則有慶 王制云諸侯之有功者取於閒田以祿之其
有削地者歸之閒田

五霸者三王之罪人也 白虎通德論

卷一

五霸者何

謂也昆吾氏大彭氏豕韋氏齊桓公晉文公也或曰
五霸謂齊桓公晉文公秦穆公楚莊王吳王闔廬也
或曰五霸謂齊桓公晉文公秦穆公宋襄公楚莊王
也

葵丘 左氏莊八年傳云成葵丘杜注云葵丘齊地臨淄縣西有地名葵丘僖九年夏公會宰周公齊侯宋子衛侯鄭伯許男曹伯於葵丘九月戊辰諸侯盟於葵丘杜注陳畱外黃縣東有葵丘孔疏引釋例以爲宋地又辨晉地之誤司馬彪郡國志云陳畱郡外黃縣東有葵丘聚齊桓公會此城中

曲防 公羊傳作障谷穀梁傳作雍泉漢書賈讓疏云隄防之作近起戰國

逢君 方言云逢迎也自關而西或曰迎或曰逢

南陽 公羊傳使高子將南陽之甲注南陽齊下邑

詆詆 張云詆吐禾切蓋言詞不正欺罔於人自誇大
之貌丁云此字音他又達可切說文云欺也字作詆
不音怡詆詆自足其智不耆善言之貌今諸本皆作
詆卽不合注意當借讀爲詆音怡說文詆沈州謂欺
曰詆从言它聲

音義

則讒諂面諛之人至矣 荀子大略篇云上有妒友則
賢交不親君有妒臣則賢臣不至蔽公者謂之昧隱
良者謂之妒奉如昧者謂之交謫交謫之人如昧之
臣國之蔽孽也

傳說 古今人表傳說第二等

版築 文選注引郭璞三蒼解詁云版牆上下版築杵頭鐵脊也

孫叔敖舉於海 古今人表孫叔敖第三等潛夫論薦章者王子無鈞也孫叔敖薦章之子也楚語撫有南海章注南海羣蠻也呂覽贊能篇云沈尹筮謂孫叔敖曰子何以不歸耕乎高注欲令孫叔敖隱也案荀子呂氏春秋竝以孫叔敖爲期思之鄙人期思故城在今固始縣西北七十里

然後知生於憂患而死於安樂也 陸云言憂患者以生全安樂者得死亡也

音義

非正命也

韓詩外傳

卷一

孔子曰人有三死而非命

也者自處之也居處不理飲食不節勞過者病其殺之居下而好干上者慾無厭求索不止者刑其殺之少以敵衆弱以侮強忿不量力者兵其殺之故有三死而非命者自取之也

不恥不若人

呂氏春秋貴公篇隰朋之爲人也上志

而下求醜不若黃帝而哀不已若者高誘註自醜其德不如黃帝詩云高山仰止景行行止鄉者人也

雖勞不怨

兌彖傳云說以先民民忘其勞說以犯難

民忘其死

所過者化所存者神 陸云言君子所過人者在於政

化存其身者在于神明

音義

趙注孩提二三歲在襁褓 丁云褓博物志云織縷爲之廣八寸長一尺二寸以負小兒于背上下聲類曰

縷者小兒被子也

音義

其所以異於深山之野人者幾希 文選注引劉熙注

云當此之時舜與野人相去豈遠哉

竟陵王行狀

趙注盍視其背而可知 陸云如負之於背

音義

易其田疇 說文云疇耕治之田也

太山 文選注引孟子曰泰山之高參天入雲

發臨海嶠詩

摩頂放踵

文選注引孟子云墨子兼愛摩頂致于踵

注致至也

諸建平王書

子莫執中

陸云子等無執中

音義

易其介

文選注引劉熙注云介操也

長笛賦

不素餐兮

上林賦云悲伐檀李善注引張揖曰其詩

刺賢者不遇明主也

猶棄敝蹤也

文選注引劉熙注云屣草屨可履

北山移文

自范之齊

漢書地理志東郡有范縣錢詹事云此卽

齊之西境趙世家云嬴姓將大敗周人於范魁之西

索隱謂范魁趙地蓋在齊趙之界本齊地而亦可屬

趙也

獸畜之也 文選注引劉熙注云愛而不敬若人畜禽

獸但愛而不能敬也

補亡詩

有達財者 陸氏云達財周恤之一本作才說云以有

善才就開其性理也

音義

君子之所以教也

抱朴子外篇

卷四

喻蔽篇云昔諸

侯訪政弟子問仁仲尼荅之人人異辭蓋因事託規
隨時所急譬猶治病之方千百而鍼灸之處無常却
寒以溫除熱以冷期於救死存身而已

穀率 丁云率循也謂穀張其弩又當循其射道令必

中于表陸云率法也躍如心願中也能者從之當勤求也

音義

放飯流歎而問無齒決 上曲禮云毋放飯毋流歎鄭

註云去手餘飯於器中人所穢大歎嫌欲疾孔疏云

放飯者手就器中取飯飯若粘著手不得拂放本器

中者去手餘飯於器中人所穢也當棄餘於篚無篚

棄餘于會會謂盞盞也毋流歎者謂開口大歎汁入

口如水流則欲多而速是傷廉也上曲禮云濡肉齒

決乾肉不齒決鄭註云決猶斷也孔疏云濡肉齒決

者濡涇也涇軟不可用手擘故用齒決斷而食之乾

肉不齒決者乾肉脯屬也堅刃不可齒決斷之故須用手擘而食之

以其所不愛及其所愛也 呂覽不肖篇云當惠王之時五十戰而二十敗所殺者不可勝數大將愛子有禽者也高誘註云言惠王用惠子之謀爲土地之故糜爛其民而戰之大敗又將復之恐不勝用驅其所愛子弟以殉之此謂以其所不愛及其所愛故曰大將愛子有禽者矣

盡信書則不如無書 西溪叢語曰王元澤引古本孟子云盡信書不如無爲書

革車三百乘虎賁三千人 呂氏春秋簡選篇云武王

虎賁三千人簡車三百乘以要甲子之事於牧野貴
因篇云選車三百虎賁三千朝要甲子之期而紂爲
禽音義引丁云虎賁先儒謂如猛虎之奔

若崩厥角稽首 古者角與厥通高誘淮南本經訓注
云剛讀詩蹶角之蹶錢詹事云漢書諸侯王表亦有
厥首詣首之文應劭云厥者頓也角者額角也晉灼
云厥猶豎也叩頭則額角豎二義小有不同應說近
之然則趙注厥地者猶頓地也丁云額卽額字犀音
西義與棲遲同息也久也字從尸下辛或作犀牛字

誤也 音義

被袵衣 陸云袵衣之美者 音義

二女果 說文云嫫媿也一曰女侍曰嫫讀若駟或若委从女果聲孟軻曰舜爲天子二女嫫

民爲貴 荀子大略篇天之生民非爲君也天之立君以爲民也故古者列地建國非以貴諸侯而已列官職差爵祿非以尊大夫而已

孔子之去魯一節 經傳時有重文內則孔疏云記者重而錄之後人雖知其重因而不加懷疑不敢刪易也

貉稽 丁引纂文云俗人姓也

音義

苙 方言云苙園也郭注謂蘭園也丁云苙欄也園也

音義

是以言飮之也 方言云銛取也郭注謂挑取也西溪
叢語引玉篇有飮字與甜同西溪叢語引章指作取
人不失其臧否無知字

嚶嚶 說文云嚶誇語也

趙注琴張 左傳昭二十年正義引賈逵鄭衆說皆以
琴張爲子張卽顓孫師是趙氏所据者賈鄭之說也
王應麟譏趙氏不知左傳有琴張豈知趙氏正用左

傳哉

太公望散宜生 古今人表師尚父散宜生俱第四等

又云女皇堯妃散宜氏女

題辭著書七篇 文選注引傅子云昔仲尼既沒仲弓

之徒追論夫子之言謂之論語其後鄒之君子孟子

與擬其體著七篇謂之孟子

辨命論

謂之博文 鄭註曲禮無雷同引孟子曰人無是非之

心非人也

南江札記卷四

餘姚邵晉涵

史記

五帝本紀詩言意 以意易志疑後漢人避桓帝諱所
改也趙明誠書孔子廟置卒史碑云華陽國志後漢
書注皆云趙戒字志伯此碑乃作意伯疑其避桓帝
諱故改焉

殷本紀注大司空御史長卿按行水災 按漢書公卿
表建平紀元凡四年無長卿其人爲御史者
封紂比干之墓 當作封比干之墓封紂子武庚祿父
此傳寫之誤

周本紀周道之興自此後 後作始

高圉立子亞圉立 上立字作卒字

明年敗耆國 耆卽黎

虎賁三千人 千字當作三百人從書序

肆犯 犯作祀

積而去之 去一作藏

秦本紀十四年更爲元年 改元始此

屈罔 罔作句

秦安君攻皮牢 一本無君攻二字疑脫

秦始皇本紀昌平軍徙於郢 軍當作君

三十六郡 劉原父刊誤謂秦三十六郡無章郡殊不知秦初立三十六郡後不無更置高帝紀以故東陽鄆郡吳郡五十三縣立荆王是楚漢之際已有鄆郡矣裴駰注史記以鄆郡足三十六郡之數晉書地理志以鄆郡爲秦置

發北山石櫛 櫛疑衍

秦楚之際月表然虐在位 虐作後

高祖功臣年表十二 高祖在位十二年也下倣此

平陽七 自六年至十二年凡在高祖世七年也

廣嚴六年十二月甲申壯侯呂甌元年 呂作台

漢書

高祖本紀秦二年秦泗川監 地理志作泗水郡川字

訛

元年與父老約法三章耳 此約法與上苛法對因紀
有初順民心作三章之法改約字爲讀始厚齋王氏
然文紀中宋昌有約法令之語刑法志言約法三章
者非一當從舊也

十一年御史大夫昌下郡國 臣瓚注周昌已爲趙相
御史大夫是趙堯耳按當時御史大夫行趙相事趙
堯特以御史守御史大夫故詔書仍言昌也

十年夏五月太上皇后崩 西漢紀年考異云考荀紀
五月無后字七月無崩字蓋荀悅之時漢書本尚未
訛謬也

惠帝紀二年郃陽侯仲薨 子封王而父仍侯爵

武帝紀元鼎三年徙函谷關於新安 應劭注時樓船
將軍楊僕數有大功恥爲關外民上書乞徙東關以
家財給其用度按五年南越反楊僕始拜樓船將軍
事在徙關之後應注似非覈實

宣帝紀皇太后歸長樂宮 宣帝秋七月卽位十一月
太后乃歸長樂宮懲昌邑前事也

後漢書

光武帝紀初爲舂陵家訟逋租于尤

注所引東觀記

壬寅前書作乙未朱福卽朱祐

南縣

通典唐鉅鹿漢南縣地漢鉅鹿今平鄉也

蕲陽

注云蕲陽聚名屬魏郡又引杜預左傳注內黃

縣北有戲陽城戲與蕲同按說文墨翟書義从弗魏郡有蕲陽鄉讀若錡則與戲不同

三國志

武帝紀建安元年冬十月公征奉

自爲大將軍後始

稱公蓋天子三公稱公也

大破瓊等 注采曹瞞傳曰公意欲不殺按靈帝時瓊
爲左軍校尉與魏武皆西園八校尉之一故欲活之
十五年下令注以及子植兄弟 植乃桓字之訛對臣
下不以稱子之字爲嫌觀陳思傳注中所載諸令屢
稱子建此決爲子桓也

文帝紀禪位注 許芝引易初六履霜陰始凝也無堅
冰二字

黃初二年後有天地之眚勿復劾三公 自後遂無水
旱劾三公之事然變理之事微矣

到皆試用 左雄限年之法至此復變

三年春正月丙寅朔日有食之 應在昭烈伐吳喪敗
四年癸卯月犯中央大星 四月癸巳漢昭烈帝崩
明帝紀四年置崇文館徵書善屬文者充之 王肅爲
祭酒

景初元年改太和歷爲景初歷 景初歷尚書郎楊偉

所造

詳宋書
歷志

曹爽有參軍楊偉疑卽斯人

三少帝紀五年五月己丑高貴鄉公卒年二十 公羊

傳曰公薨何以不地不忍地也書高貴鄉公卒其猶
有良史之風歟抽戈犯蹕若直書之則反得歸獄成
濟今公卒之下詳載詔表則其實自著而司馬氏之

罪益無可逃所謂微而顯順而辨也史通論之未識
變例之旨

夏侯尚傳注采魏氏春秋元之執也衛將軍司馬文王
流涕請之 按以三少帝傳證之文王時爲安東將
軍亦非衛將軍也

管寧傳王烈者字彥方 本爲彥考後漢書注可據方
字寡學者所定也北宋本正作考

劉馥傳馥子靖 靖字文恭見水經注第十四卷中

杜畿傳注采杜略以孟康代恕爲宏農 按此孟康卽
注漢書者顏師古曰安平廣宗人

任城陳蕭王傳 三王以母弟故別爲一卷後卷以母貴賤爲次其猶春秋之教歟

鄧哀王冲傳孫權曾致巨象 孫策以建安五年死時孫權初統事至建安十五年權遣步騭爲交州刺史士燮率兄弟奉承節度此後或能致巨象而蒼舒已於建安十三年前死矣此事疑妄飾也置船刻水疑算術中本有此法能改齋漫錄引符子所載燕昭王大豕命水官浮舟而量之事

劉劭傳受詔集五經羣書以類相從作皇覽 類書疑始於此按楊俊傳注中所引魏略皇覽凡四十餘部

部有數十篇通合八百餘萬字乃王象一人撰集與此互異

徐宣傳帝船回倒 回卽桅也古字通

楊阜傳阜常見明帝著帽被縹綾半褰袖 褰袖古今

字下一字衍宋書五行志帽上有繡字無袖字

郭淮傳 蜀建興八年當魏太和四年魏延破郭淮於

陽谿詳見魏延傳而淮傳諱之王昶傳亦諱東關之敗

母邱儉傳 高紀注曼邱母本一姓也語有緩急耳作

母者誤史通音貫是也

鄧艾傳事皆施 御覽作皆如艾計下有遂北臨淮水

自鍾離而南橫石而行盡泚水四百餘里五里置一營營六十人且田且守兼修睢陽百尺二渠上引河流下通淮潁大理諸陂於潁南潁北穿渠三百餘里溉田二萬頃淮南淮北皆相連接自壽春到京師農官兵屯雞犬之聲阡陌相屬凡九十四字下接每東南有事云按冊府引此亦曰鄧艾傳則悉是承祚本書後來所當刊正也

方技傳直宋無忌之妖 急就篇注古有仙人宋無忌此云妖未詳又見封禪書注引白澤圖云火之精曰宋無忌蓋其人火仙也以入竈故以爲妖

二牧傳注陳壽益部耆舊傳董扶褒秋毫之善貶纖芥之惡按孟子趙注云孔子舉毫毛之善貶纖芥之惡皆錄之於春秋二語必經師相傳之語

張魯母有少容蓋能久視之意後漢書作有姿色蓋范欲醜之甚其詞耳

先主傳漢書王子侯表陸城侯貞元朔二年六月甲午封十五年元鼎五年坐酎金免蓋以始封之明年爲元年也此云元狩六年少十年矣恐誤續漢書百官志宗正卿下注云郡國歲因計上宗室名籍補注胡廣曰又歲一治諸王世譜差序次第故西京枝屬

其後衰者猶皆可考

國不置史 蜀吳之主雖均曰傳然皆編年紀事於史家之例實亦紀也紀則災異當詳書而舊史闕其承傳故用此自明非持此以毀諸葛

諸葛傳 蔡中郎集琴頌云梁父悲吟周公越裳武鄉之志其有取於此乎今所傳詞蓋非其作十道記武鄉谷在南鄭縣孔明受封之地

趙雲以建興七年卒 散關之役乃在六年後人或據此疑後表之僞非也以元遜傳觀之自明第此表劇論時勢之畫非若發漢中時所陳得以激厲士衆不

妨宣洩于外失之蜀而得之吳或伯松寫留箱篋元
遜鉤致之于身後耳集不載者蓋明武侯之慎非由
陳氏之疏若趙雲傳七年當作六年雲本信臣宿將
箕谷失利適由兵弱旣貶雜號將軍以明法散關之
役使其尚在必別統萬衆使復所負而不聞復出其
必歿于是冬之前矣

喬年二十五建興元年卒 按元字當作六公北駐漢
中在建興五年思遠之生卽其年也伯松亦以轉運
之勞死于王事

李嚴傳平遣將軍狐忠卽馬忠

注引行前監軍征南

將軍臣劉巴此別一劉巴非子初

向朗傳朗爲左將軍行丞相事 見後主張皇后傳中
費詩傳隆崇於漢室 室當作升御覽作叔叔字艸書
似升

尹默傳自劉歆條例鄭衆賈逵父陳元方服虔注說咸
畧誦述 方字衍陳元傳見後漢書

譙周傳延熙元年立子璿爲皇太子 至八年冬蔣琬
始卒然則自琬之存後主已荒矣故傳于建興十四
年大書至崩看汶水旬日而還識其不恤國事般游
于外自此始也

周長子熙熙子秀字元彥 按元彥之去承祚遠矣此十字皆裴注之文

楊戲傳 承祚身入晉室奉命修史彼自謂三禪相承同符舜禹不得不以魏爲正乃於蜀書之末記文然之贊大書贊昭烈皇帝則已之所述曰先主傳者明其遜詞實以文然所贊代已序傳也

先主傳四年遣衛將軍畧淮南注采漢晉春秋云云按札乃禮之譌見顧邵傳中字德嗣

三嗣主傳孫亮大赦改元 下脫建興二年或閏月上脫建興元年二字或尚有他文

太平元年春注采吳歷曰正月爲鐘立廟稱太祖廟

按孫堅父名鐘見宋書志

宗室傳孫壹入魏黃初三年死 按魏甘露二年以孫
壹爲侍中車騎將軍假節交州牧吳侯又三少帝紀
甘露四年十一月癸卯車騎將軍孫壹爲婢所殺黃
初疑誤

孫賁子臨年九歲代領豫章 九歲無領郡事疑脫十
字

丁奉傳太平二年魏大圍之 二年宋本有魏大將軍
諸葛誕據壽春來降十二字

吳主五子傳刁元羊衡等爲賓客 古無刁字宜從宋

本作刀

孫霸和同母弟也 同母二字衍傳後云霸二字與祖母謝姬俱徙烏傷則和出王霸出自謝矣

趙達傳然君子算役心神 宋本算作等

諸葛恪傳乃移書四郡 四郡當作四郡御覽正作郡
賀邵傳注吳書曰邵賀齊之孫景之子 按景賀齊之弟邵乃從子非孫也

五代史

薛居正書名曰五代史歐陽氏書名新五代史記卷首

去記字近刻之譌也

梁太祖紀改樞密院爲崇政院太府卿敬翔爲使按
樞密使唐宦者爲之溫懲其禍故改爲崇政院而首
以敬翔爲使由此相沿遂與丞相埒號爲兩府
宋帝紀龍德三年五月庚申宣義軍節度使王彥章爲
北面行營招討使下脫取德勝南城秋八月段凝
爲北面行營招討使十八字

唐本紀李國昌字德興見墓碑克用是國昌小男唐
三朝聞見錄謂之李九郎薛居正五代史克用殺段
朱楚事在僖宗乾符三年者得之

命伶人奏百年歌 唐懿宗與郭淑妃思同昌公主衣
已伶人李可及作嘆百年曲其聲悽惋蓋當時所尚
非陸機所賦也

同光二年二月己巳朔有事於南郊 梁與唐郊天皆
以春

通鑑考異張昭於國初修唐廢帝實錄云廢帝諱從珂
高宗皇帝之元子也母曰貞憲皇后魏氏鎮州平山
人中和末明宗徇地山東留戍平山得魏后帝以光
啓元年正月二十三日生于外舍屬趙人負盟用兵
不息音聞阻絕帝甫十歲方得歸宗薛史末帝諱從

珂本姓王氏鎮州人也母魏氏以光啓元年生帝于平山遇魏氏虜之帝時年十餘歲明宗養爲己子劉恕取廢帝錄按張昭仕明宗爲史官異代修廢帝錄無所避諱而不言養子事似可信然李克用光啓以前未嘗徇地山東又從珂果是明宗子必不舍之而立從榮從珂亦當不服今從薛史附識以廣異聞漢隱帝紀注帝名承祐年名乾祐莫大之失本紀無譏按承天之祐禮運語也隱帝名當是祐字五代雖不知禮何至并此昧之

周世宗紀六年夏四月辛丑取益津關以爲霸州癸卯

取五橋關以爲雄州注世宗下三關五橋益津以建
州乃建淤口關上置寨故舊史實錄皆闕不書遂不
見其取時日今信安軍是也 按宋信安軍亦今霸
州地晁說之嵩山集云周以數千之師伐契丹不血刃
而取益津關繼取五橋又繼取高陽關與無黨此註
不同考之遼史穆宗紀亦曰周拔益津五橋淤口三
關故小學紺珠採此註

陳俗巫風至五代未革見梁家人傳

周家人傳后柴氏邢州堯山人 談叢云家人傳后邢
州龍岡人世宗紀爲堯山人則此作堯山人者後人

所改耶

孔謙傳遂罷租庸使額分鹽鐵度支戶部爲三司 三司始此

景延廣傳延廣所進器服鞍馬茶牀椅榻 椅字始此
王晏球傳契丹又遣惕隱以七千騎益都 惕隱乃官
名本紀及附錄皆作惕隱無赫也

相里金傳字奉金贈太師 墓碑云字國寶贈太子太
師金爲上將軍未得贈太師也

前蜀世家韋莊見素之孫 按唐書世系表莊待價之
後出逍遙公房見素出自南皮公房非同系

南平世家敏以印本五經遺從誨 經之成在周顯德
中此時五經已具也

宋史

杜太后傳生邕王光濟太祖太宗秦王廷美夔王光贊
燕國陳國二長公主 按廷美傳太平興國八年正
月廷美母陳國夫人耿氏卒太宗從容謂宰相曰廷
美母陳國夫人耿氏朕乳母也然則廷美非杜太后
所生也宜刪去秦王廷美四字又按秦國大長公主
傳建隆元年封燕國元符三年改秦國有姊一人未
笄而夭追封陳國姊陳則妹燕矣當更正

杜太后母范氏生五子三女太后居長 按杜審琦傳
審琦昭憲皇太后之兄太后昆仲五人審琦最長天
成五年卒年三十五二傳互異

符皇后傳姊周世宗后也淳化四年殂 按五代史記
世宗立符氏爲皇后彥卿女也崩諡宣懿後又立符
氏爲皇后卽宣懿妹是彥卿兩女爲周世宗后也傳
不言宣懿彥卿傳不言後符后及太宗后

韋太后傳從上皇北遷王倫使回言金人許歸后遂豫
作慈壽宮又云帝迎至臨安居慈寧宮 按宮名前
後互異按建炎以來朝野雜記俱作慈寧本傳又云

崩於慈寧宮則言慈壽者誤

王嗣宗傳嗣宗以語譏种放放曰君以手搏得狀元耳何足道也初嗣宗就試講武殿搏趙昌言帽故放及之此仍涑水紀聞之誤按王明清玉照新志開寶八年王嗣宗第一陳識第二太平興國三年胡旦第一趙昌言第二

郭達傳達爲汾州都監龐籍鎮河東俾權忻州契丹來求天池廟地籍不能決以訪達達訪得太平興國中故牘證爲王土檄報之契丹愧服按范祖禹撰達墓誌銘契丹請天池廟以爲故疆久不決龐公委公

往議公於故牘得太平興國中契丹移文天池縣曰
遙祀天池廟有應以屬南朝地未敢擅修公以示龐
公龐公喜命公自爲報據此則傳中故牘上宜加契
丹二字始合當日情勢

田錫傳改左拾遺時趙普爲相命有司受羣臣章奏必
一先白錫錫遺書于普以爲失至公之體普引咎謝之
按必先白錫錫字乃普字之誤

謝絳傳祖懿文父濤 按范仲淹謝濤墓誌銘懿文生
崇禮崇禮生濤濤生絳

陳希亮傳再遷殿中丞知鄆縣 按地理志鄆屬陝西

范鎮爲希亮誌墓乃虔州雩都縣非鄧縣也

李綱傳綱爲河東北宣撫使上手書裴度傳以賜按
李忠定集謝賜裴度劄子不言手書劄子下旁注止
云上令直筆錄裴度傳降賜而已又按綱所進呈淵
聖御筆止宣諭一首則此云手書誤疏言當於淮
之東南及荆襄置三大帥按忠定集淮東則以江東
路財用給之淮西則以江西路財用給之則傳中東
南二字乃東西之誤

趙鼎傳鼎以忠武節度出知紹興府按宰輔編年錄
作奉國軍地理志奉國軍乃明州也忠武軍乃潁昌

府相去殊遠

張浚傳浚擢殿中侍御史駕幸東南後軍統制韓世忠
所部逼逐諫臣墜水死浚奏奪世忠觀察使 此據
行狀而書之耳按世忠傳世忠乃左軍統制又本紀
是時後軍統制有張煥紀又云後軍將孫琦等作亂
逼左正言盧臣中墮水死不言世忠也惟滕康傳云
後軍統制韓世忠以不能戢所部坐贖金康言世忠
無赫赫功 云 詔降世忠一官是奪世忠觀察使者
爲滕康非浚也 秀州苗劉刺客一事似因韓魏公
事而傳會之行狀亦不載

王倫傳建炎元年倫充通問使見金左副元帥宗維議
事按金史無宗維是時宗翰爲左副元帥宗翰本
名黏沒喝維字誤紹興十四年金欲以倫爲平灤
三路都轉運使倫拒之被殺於是河間地震雨雹三
日不止云按金史皇統四年正月己未殺王倫
至十月甲辰河朔諸郡地震與倫死無涉

王綸傳紹興二十四年以御史中丞魏師遜薦爲監察
御史與秦檜論事忤其意師遜遂劾罷去按周必
大玉堂雜記二十四年春湯思退同知貢舉時百官
多缺大抵一人兼數職凡進士出身皆入試闈獨留

監察御史王綸蓋備拆號也內制既闕官遂降旨暫權適草劉婉儀進位貴妃制太上稱其有典詰體潤筆殆萬緡賜硯尤奇秦丞相不樂遭論列而去是綸之去綸因媚嫉也未嘗以論事見忤

朱倬傳宣和五年登進士第按本紀宣和六年策進士是年爲甲辰科非五年也

王庶傳金遣蕭通古來許割地還梓宮歸太后按本紀金遣張通古蕭哲

洪皓傳紹興十二年七月見於內殿八月除徽猷閣直學士按本紀八月戊戌洪皓至自燕與傳異

洪适傳皓謫英州往來嶺南省侍者九載檜死皓還服
闋起知荆門軍 按皓安置英 居九年始復朝請
郎徙袁州至南雄州卒後一日檜亦死非檜死而皓
始還也

洪邁傳乾道二年知吉州六年知贛州辛卯歲飢十一
年知婺州十三年拜翰林學士淳熙改元進煥章閣
學士 按本紀淳熙十四年有翰林學士洪邁言則
淳熙改元當作紹熙改元乾道無十三年傳云辛卯
歲飢爲乾道七年則十一年上宜加淳熙二字又邁
以淳熙十年知太平州有瑞麻讚姑孰帖石刻可証

而傳中不言

趙開傳初錢引兩科通行纔二百五十萬有奇至是添印至四千一百九十餘萬按李燾所撰墓誌銘作一千七百一十萬緡

張守傳上在維揚葉夢得請上南巡阻江爲守張浚亦奏敵勢方張宜且南渡按請南渡者爲張俊見張俊傳非浚也

新編亦誤
从水旁

上旣還臨安詔問措置之

方守言宜舉兩浙之粟以餉淮東江西之粟以餉淮西荆湖之粟以餉鄂岳荆南按歷代名臣奏議兩浙之粟下有端供行在而江東之粟九字不當刪去

牟子才傳遷起居郎正月望召妓入禁中子才言此皆
董宋臣輩壞陛下素履按本傳有月無年據西湖
遊覽志云癸丑元夕召歌妓董安安入宮癸丑則寶
祐元年也

鄭清之傳嘉泰二年入太學十年登進士第十六年遷
國子學錄按寧宗本紀嘉泰止四年嘉定則十有
七年疑嘉泰爲嘉定之誤或十年上脫嘉定二字

傅伯成傳爲右隄三百尺按劉後村集伐石爲新隄
三百尺右字係傳寫之訛伯成兩爲部使者遷工
部侍郎相府災同列相率唁丞相或以爲偶然耳伯

成正色

云

按後村集工部侍郎本工部郎官同

列作同舍郎當從劉集更正

袁韶傳爲臨安府尹紹定元年拜參知政事 按本紀
及宰輔表作同知樞密院事資政殿學士

王遂傳嘉泰二年進士調富陽主簿 按就正編遂年

十四對策江東漕司詆韓侂冑尋以父任主富陽簿
第嘉泰二年進士是先爲主簿而後第進士也

余玠傳淳祐二年授四川安撫制置使

云

十三年大

戰於嘉定 按淳祐十二年八月辛巳詔明年改元

寶祐玠卒於寶祐元年七月戰在十二年十月三字

誤

曹友聞利州駐劄北兵大至友聞戰沒諡曰節 按本

紀賜諡節毅

陳隆之爲四川制置使成都被圍部將田世顯乘夜開
門北兵突入檻送隆之至漢州見殺 按元史汪世
顯傳乘夜開門者乃田顯北兵突入爲汪世顯此從
汪世顯而誤也宜正之曰部將田顯

王安節節度使堅之子也少從其父守合州有功安節
等兄弟五人皆受官堅爲賈似道所忌出知和州鬱
鬱而死安節守常州城破率死士巷戰臂傷被執曰

我王堅子安節也降之不得乃殺之 按王堅守合
州事傳未詳據宋史紀事本末堅守合州屢敗蒙古
之兵開慶元年蒙古主蒙哥遣降人晉國寶來招諭
堅殺之蒙哥遂令大將渾都海以兵二萬守六盤乞
台不花守青居山又令鈕璘造浮舟於涪州之蘭中
以杜援兵蒙哥自雞爪灘渡直抵合州城俘男女萬
餘堅力戰以守蒙哥會師圍之自二月至七月不克
前鋒大將汪得臣選兵夜登外城堅率兵逆戰遲明
得臣單騎大呼曰王堅我來活汝軍民宜蚤降語未
既爲飛石震死會大雨攻城梯折軍退蒙哥死於合

州城下

或傳中國飛矢死

國解進寧遠軍節度使清水縣伯

趙昂發昌化人

按元吳師道忠節趙公祠記公四川

昌州昌元人

劉後村集同

四川總志云大足人然大足昌

元皆屬昌州而非臨安府之昌化也

陳文龍丞相俊卿之後也文龍死姪瓚復舉兵據興化

未幾復破瓚死之

就正編曰文龍乃俊卿五世從

孫非其後瓚乃俊卿之曾孫也瓚之言田汝知守城

不屈陳文龍乎吾姪也可証文龍爲瓚之姪矣

新編亦誤

李翼爲代州西路都巡檢使屯崞縣金人取代執守將

嗣本遣來諭降翼射卻之帥士卒堅守

按三朝北

盟會編知爲安撫使李嗣本傳脫一李字

林空齋永福人失其名父同官至監丞空齋舉進士張世傑圍泉州乃率鄉人黃必大劉全祖卽其家開忠義局起義兵復永福縣元兵至空齋嚙指血書壁不屈死又劉全子妻林氏傳全子爲福建招撫使起義兵事見林同傳全子亡命自經死有司執其妻具反狀林叱曰汝知去歲有以血書壁而死者乎是吾兄也遂遇害按全祖全子兩傳名異而事則同就正編曰林同字子真號空齋是知同與空齋非二人空齋未嘗失名也林氏傳又云父公遇知名士卽空齋

之父也傳云父同官至監丞者誤

文苑傳宋準開寶中舉進士翰林學士李昉知貢舉擢

準甲科會貢士徐士廉擊登聞鼓訴昉用情取捨非

當太宗怒召準覆試云按開寶六年御殿給紙

筆別賜殿試遂爲常制詳見選舉志是太祖時事傳

誤作太宗新編亦誤

柳開慕韓愈柳宗元爲文因名肖愈字紹元 據容齋

續筆始名肩愈

謝炎蘇州嘉興人 蘇字本秀字

蘇舜欽監在京宅店務康定中河東地震舜欽詣匭通

疏 按本紀係寶元元年蓋康定止一年在寶元後
康定無地震事五行志可攷

鮑由字欽止 按文獻通考本鮑慎由或後因孝宗諱
而追改之然慎知禮未嘗改姓也

晁補之太子少傅迥五世孫宗慤之曾孫也父端有

按山谷集晁君成墓誌晁氏世載遠矣而中絕有諱
迥者以太子少保致仕諡文元君成曾王父諱迪贈

刑部侍郎王父諱中簡贈吏部尚書父諱仲偃庫部

員外郎刑部視文元母弟也

端友字君成生補之

據此則傳云

迥五世者誤又晁迥傳迥子宗慤按南豐集宗慤父

名邁又補之調澧州司戶按張耒墓誌作澶州

陳師道以文謁曾鞏一見奇之嘗銘黃樓曾子固謂如秦石一傳之中名字互出

劉恕年十三欲應制科從人假漢唐書閱月皆歸之詣丞相晏殊問以事反覆詰難殊不能對恕在鉅鹿時召至府重禮之使講春秋殊親帥官屬往聽耒冠舉進士時有詔能講經義別奏名恕擢第一國子試講經復第一遂賜第調鉅鹿主簿按范祖禹劉祕書集說云科謁邢州鉅鹿主簿陳鄘公帥高陽召至府重禮之使講春秋丞相親帥官屬往聽按陳堯咨傳

軍節度觀察留後知鄆州地理志信德府鉅鹿郡後唐安國軍節度本邢州是召至府陳

堯咨非晏殊也又事在爲鉅鹿主簿時今敘於未冠舉進士前誤矣又本傳恕八歲時坐客有言孔子無兄弟者恕應聲曰以其兄之子妻之坐客驚異按墓碣年四歲

佞倖傳龍大淵知閣門事會覲權知閣門事皆兼皇城司勢張甚一日內史洪邁過參政陳俊卿曰聞將除右史邁遷西掖信乎俊卿曰何自得之邁以二人告俊卿卽奏之且以邁語質之帝前帝怒卽出二人於外按陳俊卿傳乃是人言鄧聞將除右史今去一

鄭字語不可解矣

新編亦仍其誤

職官志無右史之銜當稱

中書舍人洪邁

姦臣傳曾布以韓維王安石薦上書言政之本要大率皆安石指也神宗召見論建合意授太子中允崇政殿說書加集賢校理判司農寺檢正中書五房凡三日五授勅告按職官志中書省分房有曰戶房掌行廢置升降郡縣調發邊防軍須給貸錢物又云檢正官五房各一人則知傳中五字當作戶字

魏炎集五房作

戶傳又云兼檢正中書六房公事疑當在凡三日五授勅語上惟其兼檢正六房故得與呂惠卿共創青

苗諸法也太于中允之授又當不在五勅內矣

郭藥師奉涿易二州來歸 按三朝北盟會編以涿州

來歸者藥師以易州來歸者高鳳

九朝編年高鳳以易州來歸

黃潛善責置英州汪伯彥落職居永州 按三朝北盟

會編潛善責永州伯彥英州